



黔草卷十目錄

公移

討播莖師條約

黔中彌盜條約

初檄安宣慰防守地方

再檄安疆臣進兵

三檄安疆臣圍困

四檄安疆臣隴澄攻圍

獎諭安疆臣擒尚義等來獻

破播州諭宣慰安疆臣知府隴澄

聞田氏降諭安疆臣隴澄

溫旨獎勵諭安疆臣隴澄

諭隴澄

檄安疆臣母淑人鳳氏

播平諭鳳氏

初批播州公移

再批播州公移

三批播州公移

四批播州投降公移

檄楊朝棟速降

檄田一鵬等出降

編保兵檄

申明策應律令檄

留屯糧檄

經理播地示

賑饑示

續賑饑示

建二尚書六中丞坊檄

掩齒檄

脩官田志檄

湖廣解到餉銀賑饑牌

學田檄

稅務檄

屯政檄

造盤江浮橋檄

續衣生黔草卷之十

泰和郭子章相奎甫著
友人楊寅秋義叔甫校

公移

討播誓師條約

為申誓戒以肅軍令事照得播賊楊應龍罪惡貫盈天
討必誅本院已涓吉祇告 神祇分道竝進義旌所指雷
奔電掃所據軍前一應事宜合行申嚴告戒凡我文武將
吏共期恪遵慮周萬全功收一舉以上宣 國威下紓人
怨如或故違軍法具在須至諭者

計開

一大小將領督率三軍討逆除兇惟同心是賴在昔
三千一心能令百億之衆前徒倒戈矧茲窮醜最
哉將士尚智畢謀勇畢力若操舟左撐右支期於
必濟若駕車後推前挽期於必赴 天日在上本
院其何敢蔽抑或人自爲心嫉能妬功蓄疑修怨
則孳侈有罰决不假貸

一中軍調度全係大將總統自副參遊而下不分主
客將官咸聽節制統督副參遊官責專一哨各分
路領哨官雖素係同官或隸干隔屬自應一體遵

聽調度約束如或抗違阻撓逗留觀望不用命致
悞事機應專決者徑照軍法重大者馳報軍門綁
拿

一土司無大小皆世受 國恩大者誓同討賊必能

祇奉 明威督率漢把獨當一面以收奇捷以膺

懋賞次者皆素稱忠勇自負雄長當此報效立功
之秋正宜督率奮勇克敵事靈超格優叙如或進
止叅差或賣路縱迹或妄殺平民報功或故縱兵
目搶掠兵目軍前斬首土司竝按軍法

一摧鋒克險以先登爲第一功首級次之至期不惜

重賞懸掛高竿漢土官兵有能結群合夥當先克敵即以懸賞銀給之領兵官督所部先登者主將官即於陣前或收陣後給督率先登牌一面執照監軍類報優叙其漢兵先登者懸賞之外准照衝鋒例補給役過月銀叁分之數

一衝鋒每因割取首級以致失事今後臨陣各將領官傳示殺手止許向前衝殺高聲於本哨本隊內指定某人割級隨殺隨喚陣後殺手得貳分割級得壹分鳥銃手火器手中敵先鋒取勝亦照此例各得貳分割級得壹分敢有違令戀級與混賴搶

級者分別立斬

一兵士退縮亂行回頭返走者陣前立斬

一放鳥銃火器俱俟賊在柵拾步之內聽掌號手吹天鵝喇叭聲方許點放如未吹天鵝喇叭即賊在伍拾步內不許先發敢有違令亂放賊至空手無措及放鳥銃不照星者斬掌號手臨陣不奉將令錯舉號頭致兵失悞或裝塘伏致賊驚走跡涉賣陣者立斬

一督陣有掠陣殿後專責土漢隊部但有觀望返走者得奉令牌立斬各主將官須揀選堅勁強有力

者克之督率衝鋒有進無退以首功論如先自退
懦及攘功挾怨行私淆亂賞罰者分別處斬

一高招手指麾左右關係匪輕主將官棟選膽勇過
人機變出衆者克之指麾進止有度因而克敵取

勝以首功論敢有倉皇失措招搖錯亂悞事者斬
一塘報偵探及夜不收裝伏巡邏主將官須選膽勇

機變不憚遠險及耐夜者克之偵探得實塘伏馳
報以時因而克敵取勝以首功論敢有畏避惰悞

捏言誑報致生人事機者斬
一鄉導兵生長本地無論熟識地利險夷亦且周知

賊情變態師行經過先期瞭望審視指導破陣克
險先登者一體懸賞優叙如或輕率踈虞及自相

猜忌爭功僨事者分別處斬
一各該哨道雖分畫信地然或賊併力一向或乘虛

夜襲或追奔被圍衆寡不敵或險阻難克各將領
官約會應荷角者荷角應合圍者合圍一哨有警

但擺山鏡嚮不待傳報左右隣哨登時策應敢有
自分彼此逗遛觀望者以違節制論并別功不叙

一賊衝突在黎明在半夜在乘我劄營未定預先埋
伏便措手不及或劄數拾里外我兵哨探無賊安

伏便措手不及或劄數拾里外我兵哨探無賊安

穩睡熟彼乃捲甲而趨前轍可鑿各將領官連珠
 下營得尺進尺得寸進寸深溝高壘分布犄角前
 後左右首尾相顧應槍營者先日密布審視隨到
 打立排柵開挖濠溝無留時刻遇夜巡警主將官
 宜不時放號查聞塘伏玩悞者照軍法割耳細打
 一賊披綿被用紅綠為號狡詐不常各將領官嚴諭
 所部緊認號頭無論防賊亦防我兵自相混亂即
 如公差投遞文書或別營差使披有號頭者亦須
 審認明白以防奸細破陣警營巡視等役將官慎
 擇之

一賊慣半擊腰衝伍禁人不等潛伏茂林叢箐候我
 兵過半突出放砲或打羊頭撞過我兵兩頭慌亂
 乘勢掩殺前轍可鑿將領官先用奇兵或鄉導一
 面搜山一面於高埠處瞭望毋得輕率妄進致落
 賊彀

一賊慣以佯北誘我大兵在後彼敢以百數拾人前
 來接鬪者誘我也宜防兵刃方加遽佯北敗走者
 誘我也宜防遇峻險盤旋轉灣人馬單行首尾不
 相應樁石倒樹裝箠當前邀擊我者宜防遇泥塗
 涵田陷坑宜防遇橋樑橋板朽敗裝成橋眼之類

宜防將領官俱宜令塘報審視及撥兵四旁徧搜
又入關後賊巢中泉水糗糧酒漿或置毒藥亦宜
告戒軍士加意隄防毋落賊彀

一大兵壓境臨關揭豎受降旗但有悔禍挈妻子乞
降者不論夷漢賊親族僞提調巡警坐寨夷頭人
等並許棄械赤身於受降旗下站立主將官嚴禁
混殺候鄉導驗實搜檢有無夾帶利器押赴監軍
審驗相宜護押安插招納過人數仍以功次紀叙
敢有索詐驚嚇槍奪及收匿降民妻子阻塞降民
歸順者漢土官另議兵士分別處斬惟是受降如

受敵詐降叵測慎之慎之

一大兵除兇救民水火豈宜妄殺以干天和克圍斬
關之後除怙終拒敵逆我顏行者法所必誅一應
老幼婦女不許殺驗有婦級老級幼級者以所獲
真功壹級扣抵不錄無功可抵者以妄殺論敢有
於把截關隘處所將平民割級克功者以妄殺論
抵將領故縱另議別功不叙

一火藥最難收拾須十分關心屯劄處所藏有火藥
火繩火籠火箭等項俱要安置空閑營傍其火箭
鏃頭俱外向以備不虞至如火籠軍士自裝多不

如法臨陣先一二日將領官先令火藥匠將火箭如式裝入籠內用紙固封火繩火罐亦如之庶臨期不致悞事

一運糧雖專責一日不繼兵且坐困將領官於某處劄營某日移營俱要先期約會糧官明白某處當預兵接收某處歧路某處險隘賊可藏伏或衝突邀搶者當預兵押護逐程計筭至如交單畫會不許留難篋篋包袋有可轉發者不得丟棄免破巢囤如可因糧於敵嚴戒兵士毋得燒棄但得壹石即以壹石之值給之各兵不願領糧每米壹升

仍給銀陸釐以省轉輸分猷共念是在將領加意

黔中彌盜條約

爲立法彌盜以靖地方事據威清兵巡道呈詳備行上六衛印捕官將各街置立柵欄查撥哨兵護送官商僉立土巡捕責成捕盜緣由到院批行外查得貴州往昔有新添姚趙二鄉官都勻鍾鄉官近日威清楊生員等家俱被強賊入城劫害偏橋衛清平衛俱被強賊入城劫獄此柵欄之不嚴也上下六衛沿路往往小苗出劫官損行商此哨兵之不嚴也相應通行本院復以已意推廣數款刊刻成書分發各守巡道通行所屬衙門著實遵照每衛各哨各

給一冊施行毋得違錯須至冊者

計開

一塗中盜賊出劫皆緣哨守官兵偷安有賣放回者
有私自逃回者有逃去串同惡苗出劫者惟是查
點不嚴以致哨兵離伍今每衛站中火舖再立一
總哨即於該衛軍或新募兵於內輪撥二十名委
勤能武官督率住彼不時往來各哨巡警各道
俱要置簿差官往來巡查如貴靈道信地起貴陽
至平越共小哨若干總哨若干每哨各置一簿詳
書官兵姓名送道印發各哨該道於每月朔將貴

前二衛差指揮或千戶一員再領一單與簿相合
許帶捕軍六名馳驛馬前去自省城起沿途逐哨
查點如官兵到即註某月某日某官查過俱到如
有一名不到即於本名下註不到二字仍註單上
限二日夜至平越將公文投新鎮道查驗取不違
限回文回日亦如去日逐哨巡查註簿註單亦限
二日夜赴貴靈道查銷該道查單即提不到哨官
兵解轅門細打一百如差官違限及需索哨官兵
酒飯錢布官打三十兵五十往回共限五日又差
一官帶兵輪查名曰梭官新鎮道信地自平越起

至鎮遠止安平道信地起貴陽至普定止威清道
信地自普定至亦資孔止其法俱如貴德道差官
巡查以道里遠近酌定日期文到各道限半月內
先送印過哨兵簿送院查覈庶幾稽察嚴密官軍
不敢偷安哨守有賴道路自尔肅清

一哨兵稽查既嚴自難偷安若月糧不以時給彼將
有辭布政司自後給散兵糧先儘哨兵如以錢糧
不繼則冗食之兵稍汰一二未為不可頃善後事
宜疏內有撤大橋營黃絲得勝營之議縱不能盡
撤稍汰三之一以為哨兵之需可也

一城內外關廂正街合面每百家設一柵中等街每
五十家設一柵小巷以首尾為度設一柵柵以粗
木為之環栓為鑰俱全每柵置大銅鑼一面長鎗
二水缸一麻搭二母論鄉官舉監百姓輪流每夜
一家關鎖遇有盜賊不論強竊鳴鑼為號前後關
柵先固柵欄保兵齊集互相堵截即有強賊豈能
一飛出柵欄開閉以起更絕更為度起更後不許擅
開止有收生巡警二事亦須預先告明如有違玩
恃強開柵者當夜守柵者呈稟該管官司究治若
係勢宦豪家具稟該道枷號細打如不服解院重

治重罰大抵強盜入城所垂涎者正在官豪不在
貧戶如官豪不先守法是開門而揖盜也愚甚矣
慎思之哉慎思之哉

一官使經過地方哨兵照界護送該衛即具一批差
一軍隨送批後黏刻單一張上刻某衛自本衛起
或上或下至某衛止共計若干哨某哨軍兵若干
名某哨軍兵若干名官使至哨界之時哨兵即時
護送過往官即於批內親註有哨兵幾名隨送無
者註無用圖書鈐蓋差役領批回銷印官查註無
兵者即解該道重治細行黏單該道另具一式發

衛刊行印捕官不行提究

一客商馱馬不許零星難為護送每日早不問多寡
聚為一起該衛即出一牌黏一單以卯時出門放
砲鳴鑼為號放城外空濶處取齊哨兵即行護送
客商亦於單內填註有哨兵幾名隨送付差人回
銷印官查未註者即行究治如客商不遵條禁零
星亂行倘有疎虞來告者決不准理遇晚歇宿以
馱馬歇大家即歇不許貪程强行大約以未時為
止如有臨晚要行者哨軍不許護送此單該道另
為一式發衛刊刻衛官不行提究

一強盜入城不從門入多用梯上不在人煙輻輳之地而在絕無人跡之處故城外有居民住處止用柵欄亦可阻賊如城外無人住處城上堦口須置柰何木一根安於堦口之上賊至必攀其木木一墜下賊亦隨下此亦阻盜之法載在城書可舉而行也各衛印捕官清查應置柰何木堦口處所即行置用將置過數目呈報查考守城軍夫亦當嚴於僻淨之地夜用柳鈴重加防守如有不著實舉行者將印捕官提究

一各衛掌印官宣慰司將所管土司夷寨逐一查出

每一土司夷寨各僉立有身家人衆所服二名爲土巡捕將姓名報該道刊示曉諭遇有該管夷民爲盜即責成跟要如土巡捕用命擒獻真賊破格重賞如一年內該管地方寧謐並無盜賊生發申詳給與冠帶以勵後效如養寇爲亂不行竭力拿賊者提解以窩盜定罪

一盜賊入城未有無內應者如城內人家勾引苗賊入城者審有實跡不論勢家大族區其宅曰盜賊之家塞其中門令於旁門出入以羞之子孫世世不許更換

一強賊入城市非劫庫獄即劫鄉官文到各衙門有
庫獄者將庫獄各門并週圍墻垣逐一查估應修
理者呈詳修理每庫獄除原有看守人役外再加
強健軍夫二十名宿守如違官以不及註考城內
外鄉官家每家門首左右自置六柵欄二座夜則
關鎖多撥家丁宿守如違印官密揭以報若有失
事彼亦何能怨有司哉

初檄宣慰使安疆臣防守地方

看得兵部咨到本院業已行本司遵照去後合再責成保
固地方為此牌仰宣慰使安疆臣照前部文并本院牌面
將該司治所屬地方烏江沙溪及省城一帶挑選精兵差
勇悍目把并宋承恩地方嚴加防禦務保萬全 朝廷責
成本官意甚嚴切本官世承 國恩宜効圖報臣子果能
忠順 朝廷自有殊異如安氏先世通路雲南至今奢香
驛之名流芳百年大征香爐加以右叅政之官具載史冊
此皆忠義不朽之報彼崛強者竟何益乎特差旗牌官王
安民前來宣諭取具地方不致疎虞甘結陳恩王嘉猷速
令出見歸結即着立功贖罪俱無違錯故諭

再檄安疆臣進兵

看得宣慰使安疆臣千年忠孝之家一代子孫之嗣茲者

四郊多壘兩省靡寧本官聞檄即能督率所部不煩官藏
所望士一厥心人百其勇緝傷夷之後振怯為雄制密邇
之間保危成固 天鑒非遠不庭者必誅 王爵無私有
功者是享本官若能近固內地遠暨奇功豈惟揚名濟美
孝著於家聲抑將加秩策勲忠光於 國籍特遣材官馬
武卿持 令旗一面催促進兵并函花段獎勵本官以將
本院優待之意故諭

三檄安疆臣圍罔

大水田之捷本院喜劇兄弟本是一體顧弟不可以先兄
本院叙功循序并 題矣第該司未入鎮雄已建此奇捷

聞該司已入將來之捷更有奇於此者本院拭目望之揆
之人情未有焚人居室夷人宗廟而不以為讐者乘勝進
攻海龍正在此時若猶豫不斷所謂養虎自貽患也與其
養虎而以害貽子孫孰若并虎斃之而以安貽子孫乎至
於眼前賞賚又其次焉者矣隴澄有膽畧可密以此商之
然後知本院之為安氏子孫慮至深遠也不獨為今日也
發來餉銀數目具在公移故諭

四檄安疆臣隴澄攻罔

五月初六日據左監軍畢節道呈報司道直入播州抵海
龍圍尾劄宣慰安疆臣大營會同朱參將督率羅兵會合

川兵進攻海龍國侯獲元兇另報等因據此查得安龍二
兵又已屯劄海龍國後元兇未報投首合行催促為此牌
仰宣慰安疆臣知府隴澄督率目兵上緊攻剿今日之事
有進無退如退一步即以軍法從事仍着修理帳房聽候
本院親臨即於該營中屯劄適觀厥成以憑 奏凱先具
遵行緣由馳報故諭

獎諭安疆臣擒尚義等來獻

尚義黃繼枝二惡此總督朝夕所欲得而甘心者本官能
生致之厥功懋矣今偽許其不殺實留以 獻俘耳發來
餉銀分賞諸役楊應龍公文李輔等請一批去今批示之

未封本官看過固封發去又發來降人一名為信然不欲
令其回國恐其一回將此中事機盡洩不便即令在營聊
以示信見諸人皆未殺也雖然公文批去應龍亦未必來
此皆是冷着無益惟有整兵乘隙破賊乃是真着惟本官
力圖之故諭

破播州諭宣慰安疆臣知府隴澄

公移至知酋守死固無復能為左右心腹或逃或殺或獄
此 天亡賊之會亦爾家用間所致也太平有日普天同
賀豈特川貴一隅已哉惟爾兄弟戮力圖之終成此大事
以報 朝廷斬早東市縛吳淮西方於斯役猶或為福不

獨爵賞而已也楊監軍已從烏江入播適觀厥成即如本院親臨復烏江關破播州城并招降萬戶共作一疏於二十九日上矣故諭

聞田氏降諭安疆臣隴澄

田氏之降真耶贗耶不於水西而於川中竊疑其贗也今亦毋論真贗米真降則囹內自亂乘其亂而取楊酋為力更易脫係偽降彼假此以懈我軍心衝突之勢所必不免尤不可不嚴防也楊酋一日未降則一日為賊名其為賊人人得而誅之未有因其妻之降而不以殺酋為功者除惡務盡庶幾不貽子孫之禍在官軍班師後人人散去該

司世與之隣豈以一存其祀便以為德而於破城降民等事不以為讐耶該司試思之必了此而後為功大必了此而後禍根除內謀之母外謀之曉事自把此勾踐不忍於夫差而范蠡不聽也事正相類可三思之故諭

溫旨獎勵諭安疆臣隴澄

接邸報及兵部咨汝家上疏遂得 溫旨有忠義之褒有嘉悅之綸有誰敢妄生讒毀之語此即大臣未能得之主上者 主恩深重不知女母子兄弟何以頂戴何以報稱也 朝廷卷卷不過為此一事竭力圖之速致渠魁上心更嘉悅汝家更忠義謗言三至決不信矣公移到汝

兄弟當迎入營中一以寒賊之膽一以壯軍之威慎毋忽也故諭

諭龐澄

朝廷盛典先及該府該府一戰之功下成母兄之志上保祖宗之爵既忠且孝何其榮也自今以後當益效忠順以無負朝廷無負本院聞病未愈宜益加調攝以慰本院之心李萬年回發來新曆百本此諭

檄安疆臣母淑人鳳氏

看得宣慰使安疆臣母淑人鳳氏作配將門能脩壹教相夫而保邦族僉言闡內孟桓課子而閑韜鈴共稱女中類牧茲者四郊多壘兩地橫戈而疆臣一聞飛檄整師過營皆毋訓也特命材官王安民函來花段以旌蘭儀永光蕙問疆臣勉承慈訓如立奇功則石窳之封無讓司徒之婦而巡鄉之典可比翟母之榮故諭

播平諭鳳氏

播未平時 皇上有褒安疆臣討賊之旨有欽賞龐澄之旨中云成母兄志 皇上之待汝母子天高地厚矣播既平後本院叙功汝二子作一段叙汝作一段叙本院之待汝母子善始善終矣 皇上之恩加汝母子欲汝保障西南為地方生靈耳本院之厚待汝母子欲汝忠順 朝廷

亦為地方生靈耳汝母子心事忠赤本院亦能諒之但有
不知事體日把在外多事上不思 皇上之恩中不體本
院之意下不顧壞汝母子忠順之名利歸於奴罪歸於主
汝老成人決當一處之見汝家法不然人說汝在深閨中
令若輩誑汝也陳恩不可令投閑王嘉猷當令在省中承
聽傳話不可令安逸在家張問達張崑令其一意忠順使
汝母子內外無間今楊監軍已去總督李老爺聞憂將行
我亦要上疏乞休不知後來老爺意思若何趁我在此教
誨汝日把們事事忠順我即去亦無後慮以後公文汝母
子要字字看過用關防鈐記來隴澄且在水西領過 欽

賞方去鎮雄汝尚無孫可戒疆臣不宜夜飲要早起勤幹
公事隴澄還當娶妾在水西早得一二孫則四十八枝人
心方有係屬此第一要緊之着汝老成人當日夜關心我
又聞得要子孫當行好事行好事第一要忠順 朝廷第
二母得害侵百姓汝母子勤行之他日子孫不蕃衍吾不
信也故諭

初批播州公移

五司構禍七姓起釁本院一入黔中知之詳矣第該司與
五司七姓一方主僕之分也該司與 朝廷一統 主臣
之義也奴負主人上司處置未當 君門萬里那由得知

而飛練之役戕 朝廷之命官綦江之役破 朝廷之城
池該司其未之思邪又沿邊小苗假該司名目殺人命擄
人財實利歸在小苗惡名嫁於該司該司其未之聞邪今
已往勿論該司此日自當急還播州請命 朝廷朝廷之
上有時雷霆亦有時雨露人臣之義過則歸已該司惟悔
罪歸咎積誠以感動之而已本院詳閱該司忠孝堂集揚
氏祖宗爵土已歷八百年皆以忠順守之非以智力留之
該司顧堂名思忠孝義蓋必忠於 朝廷而後能孝於祖
父也且該司一子死於重慶念念不忘今長子尚未襲職
餘舍尚未分授獨不為生者地乎該司試中夜思之然後
知本院為忠告也此繳

再批播州公移

飛練之役兵至而應之猶可原也該司合西南之鐵鑄不
成一錯字只是壞了綦江城池上觸 聖怒凡為臣子誰
敢置一喙該司如果實心悔罪只合席藁斂戢哀請 闕
下乞降 督府萬一 朝廷弘不殺降之恩憐爾先世恭
順之父該司猶得保其首領子孫猶得保其爵土而播州
生靈猶得免於鋒鏑是謂失之東隅收之桑榆計莫良於
此者該司內謀之妻子外謀之宗自上為祖宗慮下為兒
孫地早計而決之可也此繳

三批播州公移

本院昔在川中曾叙該司三征之功入黔半年三批公移開該司自新之路即不謂德亦當不見怨今播州之兵克斥於興隆黃平之間擄殺我人民阻塞我往來是該司以怨報德也今據申文極其恭順而兵留我境又極跳梁所言如此所行如彼其誰信之第據差人稱說興隆之兵係九股之苗原非播兵我宣慰在播州並不知道此亦事之或然者然而木刻之語俱以播州為名果係各苗駕禍汝播州該司力能掃除即除之不能當差人解散之庶幾猶可相信不然千言萬語總是套話本院率漢土蕩此小醜

何難第該司心事何以自白即本院不能曲為之解矣本院即以此卜該司誠偽順逆解散之後還着知事漢把二人前來回報本院另有分付此繳

四批播州投降公移

大兵四集事等摧枯忽尚義等來投該司公文請解一面之網諸將爭言此汝緩兵之計不宜深信本院則以為該司悔罪之明未可逆詐如出真心可於五月朔日令妻子具降文從水西營護送出投該司亦宜解甲投戈靜聽處分如能挺身自來則解縛焚觀歸之 朝廷本院與總督部院俱同此意亦何苦而窮兵耶尚義黃繼枝等姑留為

質特發一人齋公文來該司宜自決無詐無遲此繳

檄楊朝棟速降

查得欽定賞格內開應龍妻子能大義滅親縛降自贖亦准末減仍為優恤欽此為照楊氏爵土其來已久應龍即有罪其祖宗無罪也基江龍泉二役尔朝棟不與尔父即有罪尔猶無罪也如能大義滅親賞格開載自明如父子天性不忍推刃但能束身來降亦當待以不死不絕尔祖宗廟祀與其從惡父而殄祀孰若順朝廷以綿尔廟祀之為孝乎明旨昭然決不食言事在然眉早宜自決如或遲疑總歸滅亡後悔何及汝宜三思之故諭

檄田一鵬等出降

看得大兵壓境勢如破竹朝廷止為首惡一人尔等胡甘與同禍本院前遣思南田興弟專諭田一鵬兄弟想當已到今尚義來亦能道一鵬歸順實情更道李旭李紹尚欽羅鸞顏宗政何邦佩何林高文憲楊廷章彭道彭燧傅賢苟文賓尚蘭州等雖陷網羅同懷中國若能舍舊從新便是轉禍為福尔等同仗大義賞格自明不惟全尔性命保妻子抑且錫尔官爵福及子孫如或食言天不我祐尔或遲疑後悔何及諺云當斷不斷反受其殃汝輩深思之深思之故諭

編保兵數

黔中司帑偶訛難以遠召而四郊多壘法當自固仰思古人保甲類有保兵管子作內政五家爲軌故五人爲伍十軌爲里四里爲連十連爲鄉五鄉一師魯成公作兵象三甸增乘每乘增甲此皆古人寓兵於民之意今獨不可倣而行乎爲此牌仰司道即行貴陽府貴前二衛將省城內外居民十家爲保每家出兵一人爲保兵擇其頗知事者爲保長五十家爲大保擇其有身家強幹者爲大保長二百家爲都保擇省祭舍人或致仕小官二人爲都保長正都保長副保兵各備械一件或鎗或刀或弩務要精利仍

分貴前二衛地方每月朔望都保長副合一百兵而練之俟稍熟則請於貴陽府及本衛印捕官而練之又稍熟則請於本道而練之俟城內外保兵俱可卽戎則本院同三司親臨武場而大閱之總之皆爲城守計決不遠調萬一有警止捍衛本城內外而已着實舉行本院拭目以觀厥成焉

計開

- 一當正軍者免編
- 一一夫一婦年六十以上者免編
- 一寡婦守兒年未二十者免編

一 隻身傭工賣菜賣草者棍朝來暮去之人免編

一 殘疾者免編偶疾者不徃

一 鄉官舉監生員吏承編其家人

一 舍人軍餘編

一 外省人在黔中開舖者編

一 寺觀隨僧道多寡編

申明策應律令檄

為申明衛所策應律令以保萬全事照得四郊多壘調兵防守夫守非守一處也此有警則彼應援彼有警則此應援如常山之蛇首尾相應合寡成多此萬全之策也查得

大明律一條若賊寇滋蔓應令會捕者隣近衛所雖非所屬亦得調發策應若不即調遣會令隣近衛所不即發兵策應者各杖一百罷職發邊遠充軍律載甚明恐諸將官不知耳近調銅仁兵守石阡延久不至豈未明此律乎姑記合行申明通諭如有再違定依律 題參發遣不爾貸矣

留屯糧檄

國家養軍本以禦侮爾等二百年來受 朝廷養養恩不為不父今值寇亂正當効命諺云養軍千日用軍一朝正此之謂矣本院又慮爾等老弱不堪疏奏 朝廷召募漢

土官兵防守堵截軍得休息恩至厚矣今照往例將各官軍應支實米詳議照依時值改支折色兵得米以衛軍軍得銀以買米不過勞爾輩一貿易耳為此仰管屯倉撥屯頭員役將應徵屯糧照額盡數徵收上倉封鎖以聽軍前支用不許兌支升斗不許擅動勺合如有故違強兌強支許倉官指名呈該道本院拿解以軍法網打仍罰米百石不恕

經理播地示

為督撫地方事照得播寇已平地方新定建置郡縣並後事宜已該本院酌議具題今又遴選循良責成經理無

非欲懷保流移消弭反側奠爾黎庶于衽席之安者第汙俗當與維新而小民難於慮始若不約為章程以示嚮往將宜頑者易於犯禁而豪猾者敢於作奸非所以集歸鴻而風買犢也爰採群議竊附臆見列為條約頒布施行為此示仰各司官舍軍民知悉流移者速行告明復業附籍者趁時領田住種恪遵明示共享太平所有訓詞開具於後

計開

一五司土官昔被楊酋荼毒咸願改土為流今者酋既殄滅已該總督部院議分黃平白泥重安餘慶

雍水草塘谷山湄潭等處地方屬於貴州而郡縣
之本院念爾宗祖立基有年不忍遽絕特疏善後
請將各司正副上官如原任安撫改為土州同正長官改
為土縣丞副長官改為土主簿各隨州縣辦事猶
不失爾世業苟能恪共厥職上報朝廷下保宗
社卽是忠臣孝子與國咸休良可尚已若有陽
為恭順陰懷反側倡言惑眾阻撓善後者訪出定
行擒拿輕則削職重則夷族追悔何及慎之慎之
一各司自楊酋煽虐以來人民逃竄田地荒蕪近雖
招徠復業瘡痍猶未起也本院憫爾困苦准將來

歲糧差盡行蠲免所有倉糧馬戶另借官銀代為
供應以示安輯勞來之意凡爾小民安心住種靜
俟經理毋聽訛言搖惑敢有土司豪猾假借催徵
重復科擾許被害之人徑赴經理道府衙門指名
稟訴以憑拿究

一楊酋悖逆已干天討凡爾脅從醜類宜聽招村
復業永為良善從前罪過一切不問卽曾有操兵
臨陣殺害邊民者亦當曲貸近訪有等奸豪見爾
民初來復業或嚇以附播當誅或駭以通糧當納
或誣以錢債當還或假以怨讐當報詐索財物強

奪子女若不嚴禁何以能堪除本院差官多方密訪外爾等小民有被害者卽赴經理衙門稟告以憑拿解究遣

一各司田地雖軍屯民寨相雜然各有界限難容互混倘土豪勢要乘此經制未定之時越侵冒占者各委官宜秉公執法逐一查實不問指揮千百戶及士夫舉監生員人等應舉呈者亟舉重處應拿問者嚴拿招解毋得容縱以滋釁孽

一各處田地凡係舊日佃戶認納糧差有憑據者各許復業亦仍候查丈以均糧差外若爲楊會庄場及從逆賊人產業與逃亡無主者各經理委官逐一清查照依川中事例分別上中下等則酌定價值准聽四方附籍之人上價承佃納糧當差如有勢豪阻撓希圖兼併者擒拿解院按法究遣

一民不知方故頑悍易亂今旣建立郡縣豈徒專用刑罰已哉謂宜覃敷文教移風易俗則學校之設正經始首事也凡爾附籍新民卽爲土著百姓倘有子弟頗通文理者便准送學作養不在冒籍之禁

一各司地方雖不甚廣而山箐險阻奸宄易藏原議

設立守備官兵分布巡緝是弭盜安民之至計也
但日用廩糧無可取給所有無主空閑田地除府
縣議贍公用外合擇附近常稔者另立養兵之庄
每兵壹名可耕若干畝分給領種照例收租入倉
按季支出以作廩糧大約做屯田之例而變通之
務令可久至於畫區分界立簿稽查是在經理各
官加之意耳

一播州邊境率多深山茂箐材木所生滋長有年今
當查明封禁除有干霄合抱所謂異材者不得擅
伐具數報院留待揀進以供 上用其餘悉聽委

官查取以備修建官衙學舍之用如有奸徒偷砍
者擒拿重究

賑饑示

為督撫地方事大兵之後必有大賑已經兩院具題 旨
尚未下但今黔中米貴如珠青黃不接古人有矯詔發倉
者今獨不可做而行乎本院協征皮林班師還省幸剩米
肆千餘石剩銀陸千伍百餘兩暫借賑饑候 旨下銷算
為此示仰通省軍民人等知悉凡被兵火處銀米兼賑未
被兵處有銀無米各府衛縣所掌印官悉照後開數目領
去銀米設法賑濟務使軍民速霑實惠上不負 朝廷湛

恩下不失本院周恤之意如有顆粒糊塗分毫侵染及縱容衙門吏役冒領者明有三尺之法幽墮五無間之獄慎之慎之

計開

一貴陽府衛縣賑銀壹千貳百兩米壹千石在鎮遠
令軍民自運

一黃平及五司地方被兵賑米壹千石銀伍百兩

一興隆東坡被兵賑米伍百石銀貳百兩

一龍泉司被兵賑米壹百陸拾石銀壹百陸拾兩

一平越飛練被兵賑米伍百石銀叁百兩

一偏橋衛被兵賑米肆百石內將貳百開河

一鎮遠府衛征播皮林兩省運糧賑米伍百石

一清浪衛賑米壹百石

一清平衛縣賑銀貳百伍拾兩

一新添衛賑銀貳百兩

一龍里衛賑銀貳百伍拾兩

一烏撒衛饑甚賑銀貳百伍拾兩

一赤水衛賑銀壹百伍拾兩

一畢節衛賑銀貳百兩

一永寧衛賑銀貳百兩

一威清衛賑銀貳百兩

一平壩衛賑銀貳百兩

一普定安順州衛賑銀貳百兩

一安莊鎮寧州衛賑銀貳百兩

一安南永寧州衛賑銀貳百兩

一普安州衛賑銀貳百兩

一思南府縣被兵賑銀陸百兩

一石阡府被兵賑銀肆百兩

一普市所賑銀伍拾兩

一銅仁思州都勻原未被兵米價稍減思州府賑米

壹百石都勻府賑銀壹百伍拾兩銅仁府賑銀壹

百伍拾兩

續賑饑示

為督撫地方事照得播平之後兩院題 請動餉賑恤軍

民候 旨日又因值饑饉已預支銀陸千陸百壹拾兩米

肆千肆百貳拾伍石伍斗行守巡道委官分賑近准部文

覆奉 欽依動銀壹萬今除前賑銀數外又除米數係皮

林剩米另算外尚該補賑銀叁千叁百玖拾兩又經行布

政司於貴陽府庫照數支發委官賑濟為此示仰饑貧軍

民知悉俱赴後開各委官報名查給通母違錯特示

計開

貴陽府衛縣補賑銀玖百兩委貴陽徐同知賑

定番州賑銀貳百兩委署印鄭推官賑

烏江各屯寨軍民賑銀貳百兩

河渡各屯寨軍民賑銀貳百兩委新貴張知縣賑

烏撒衛饑甚補賑銀壹百兩委署印畢節廳張同知

賑

黃平等新州縣補賑銀玖百兩代走今年驛馬

濫橋東坡二處軍民補賑銀壹百兩

平越飛練地方軍民補賑銀貳百兩委平越府賑

印江縣補賑銀壹百兩委該縣印官賑

婺川縣補賑銀壹百兩委該縣印官賑

龍泉補賑銀貳百兩委銅仁陳知縣賑

興隆衛修十里橋發賑銀壹百玖拾兩該衛收貯聽

支修橋

建二尚書六中丞坊檄

照得荀氏八龍里檀高陽之稱康成大儒鄉震鄭公之名

式間旌賢其來久矣貴州故辟壤我朝貳百餘年為尚

書者貳為中丞者陸而省城無坊何以表厥宅里為此牌

仰布按二司照牌事理再加查議建貳尚書坊壹座陸中

餘中

丞坊壹座左書年月及兩院姓名右書三司姓名下壹層書各鄉賢姓名行貴陽府估計價值詳動官銀建造毋違計開

都察院左都御史前南京戶部尚書黃紱平越衛人
南京工部尚書前國子監祭酒孫應鰲清平衛人

以上貳尚書坊

右副都御史食正貳品俸徐節貴州衛人

右副都御史侯位思州府人

右副都御史教宗慶思南府人

右僉都御史蔣宗魯普安衛人

右僉都御史李佑清平衛人

右僉都御史劉秉仁貴州衛人

以上陸中丞坊

掩骼檄

為軍務事照得播酋入寇漢土官兵奮勇敢戰身膏草野枉魄憤齒至今未痊甚可哀憐竊為辛楚義當掩埋以慰忠魂但積骸而瘞之土薄骨夥日久天雨不獨朽骨終暴于野抑且狐鼠相依為穴莫若養新聚而焚之歛其餘灰同歸于土一則無令暴露一則速彼往生為此牌仰平越府往東坡爛橋守備杜鶴鳴知縣陳廷範往龍泉小中軍

葉定遠把總宋真相劉岱往烏江河渡指揮吳國柱經歷
陳江定往飛練每處領銀拾兩撥發鄉兵將陣亡將士骸
骨檢堆一處買柴焚化共作一塚多燒冥楮以安體魄無
令爲厲以擾邊民完日將掩埋過緣由報查施行

脩官田志檄

爲督撫地方事照得前院江 察院應 於各府州縣衛
所置買備賑遞馬欽恤右文惠藥各項官田共費五千餘
金清出舊租共六千餘石載在通志以防侵隱此救荒之
長策振饑之仁術也第立法者始無不善奉法者久而弊
生查得前田委官驗買之初俱稱近水膏腴今董二三年

不稱水推沙壅則稱旱潦無收其弊有三有始以腴田市
既以瘠田換者有指他人田捏作己田掣領官銀其實無
田者有承佃年久移址換段侵爲己業者近據鎮寧吳知
州呈送官田圖議到院聞得田有形有四至有地名有佃
戶姓名此田形之不可不圖也借穀之法做朱子社倉之
議社倉之議做荆公青苗之意但官穀入手便不思還官
中催租誰肯盡心况穀之出陳皆衙市積棍冒領青衿寒
士乞貸比及秋成率多逋欠與其貸之而無收莫若蠲之
以濟貧今酌議歲小凶則半發倉歲大凶則大發倉如歲
豐則仍收貯此借穀之不如蠲也通志刻載田畝非不詳

備而板在提學外道漫不關鎖近日姦徒通同看板人役刻字姦匠將志板更換殊可痛恨已經本院查出宣慰司學銀一款除究罪外今日新志一成當以硃印每衙門各貯一冊與印同代其板卽貯本院不許擅印此志板之不可不嚴防也爲此牌仰布政司卽便行令所屬府州縣衛將新舊置買各項官田逐一履畝清查四至明白照依吳知州圖式備畫田圖一冊名爲官田志稿完送驗刊完硃刷遍發遵守遇印官陞遷將此志隨印交代刊板解貯本院嚴鎖以杜奸民抵換其歲納稻穀係大熟年分收貯官倉不許假以出陳名色擅動升斗如遇小歉量放一半大歉將穀盡放賑饑俱免還倉若積穀年久許請詳變價增買賑田續入圖志是在良有司本院日望之也通毋違違須至牌者

湖廣解到餉銀賑饑牌

爲天旱地震等事先准戶部咨該貴州撫按會題本部覆議咨行川湖貴督撫巡按各衙門嚴責守巡印糧官負各將拖欠貴州糧銀如數催徵查照撫臣所議將近年未完先徵一半內將四川應解本色米十二萬六千一百石盡數解黔賑給其湖廣解到糧銀內准動三萬兩四川解到銀內准動一萬兩聽貴州撫按督同被災地方司道有司

酌量賑發題奉 聖旨是欽此備咨前來准此案照先該

本院會同前按院宋 看得貴州水旱地震軍民饑荒

無法賑恤隨將川湖各拖欠協濟貴州銀米年遠者不能

全解其年近者得其半亦足少抒倒懸之急會 題去後

隨准前因已經催行川湖各司道查照部文將應解銀米

如數解黔給賑二省有司因循止據湖廣分守湖北道解

到長沙府屬二十七八年分銀四千九百零七兩五錢其

餘未解所據解到銀兩係賑餓之數目今青黃不接合先

發賑爲此牌仰布政司即將二起扣貯湖廣解到賑銀四

千九百零七兩五錢查照單開註賑軍民貧生銀數移行

各守巡道轉行該屬衙門各照註定數目差官赴該司支

領在府州縣即委該府州縣正官分賑如係府州縣衛所

同城去處委府州正官會同衛印官給賑如無府州正官

去處照單內註定附近文職官公同衛印官分賑務使軍

民均霑實惠庶上不負 朝廷湛恩下不失兩院周恤之

意仍大書告示於各衙門曉諭完日通將賑過軍民姓名

同領過銀數類冊呈報以憑回 奏施行

計開

分守安平道所轄衙門

貴陽軍民府饑民孤老一千名每名一錢共銀一

百兩

府學貧生計五十四名今每生二錢共十兩八錢
貴州衛五所并站舖軍二千九百二十三名每名
一錢三分共銀三百七十九兩九錢九分
前衛五所軍二千六百二十八名每名一錢三分
共三百四十一兩六錢四分

宣慰司學貧生計六十三名今每生二錢共一十
二兩六錢

以上發貴陽軍民府督同兩衛印官分賑

威清衛五所并站舖軍一千二百三十七名每名

一錢三分共一百六十兩八錢一分

貧生計四十二名每生二錢共八兩四錢

平壩衛五所并沙作等站舖軍一千二百一十二

名每名一錢三分共一百五十七兩五錢六分

貧生計三十三名今每生二錢共六兩六錢

普定衛五所并站舖軍一千七十一名每名一錢

三分共一百三十九兩二錢三分

貧生五十名每生二錢共十兩

安順州貧民孤老五百名每名一錢共五十兩

以上委安順州卞知州公同衛印官分賑

安莊衛五所并北水等站堡舖軍七百二十七名
每名一錢三分共九十四兩五錢一分

貧生計二十八名今每生二錢共五兩六錢

鎮寧州貧民孤老四百名每名一錢共四十兩

關嶺所并查城等站鷄背等舖軍七百零三名每
名一錢三分共九十一兩三錢九分

以上委鎮寧州吳知州公同衛印官分賑

安南衛五所并尾灑等站堡舖軍一千三百二十

一名每名一錢三分共一百七十一兩七錢三

分

貧生五十名每生二錢共十兩

永寧州貧民孤老五百名每名一錢共五十兩

以上委永寧州署印教官方柄會同衛印官

分賑

普安衛五所及站舖軍一千四百三十九名每名

一錢三分共一百八十七兩零七分

普安州貧生計十三名今每生二錢共二兩六錢

貧民孤老五百名每名一錢共五十兩

亦資孔站所軍二百四十一名每名一錢三分共

三十一兩三錢三分

樂民所軍一百四十九名每名一錢三分共十九兩三錢七分

安南所軍一百零五名每名一錢三分共一十三兩六錢五分

平夷所軍二百六十四名每名一錢三分共三十四兩三錢二分

安籠所軍一百三十名每名一錢三分共一十六兩九錢

以上委普安州侯知州公同衛甲官分賑
貴寧道所轄衙門

畢節衛五所并該站周泥二站舖軍一千二百一

十三名每名一錢三分共一百五十七兩六錢九分

貧生計十五名每生二錢共三兩

烏撒衛五所站舖軍七百三十七名每名一錢三分共九十五兩八錢一分

貧生三十名每生二錢共六兩

倘塘站軍一百三十一名每名一錢三分共一十七兩零三分

霑益站軍九十四名每名一錢三分共一十二兩

二錢二分

瓦甸站軍八十名每名一錢三分共一十兩四錢

黑張站軍七十三名每名一錢三分共九兩四錢

九分

赤水衛并赤水阿永落臺摩泥四站七舖軍七百

六十九名每名一錢三分共九十九兩九錢七

分

貧生二十名每生二錢共六兩

阿落密所軍五十四名每名一錢三分共七兩零

二分

白撒所軍二十二名每名二錢三分共二兩八錢

前所軍七十三名每名一錢三分共九兩四錢九

分

摩泥所軍五十四名每名一錢三分共七兩零二

分

普市所軍一百一十六名每名一錢三分共一十

五兩零八分

永寧衛米價稍平民不甚饑量賑軍士銀一百兩

以上委署鎮畢節張同知會同衛印官分賑

分守新鎮道所轄衙門

龍里衛五所站在城等舖軍共一千二百三十九

名每名一錢三分共一百六十一兩零七分

貧生計九名今每生二錢共一兩八錢分共二十

新添衛五所站舖軍七百九十一名每名一錢三

分共一百零二兩八錢三分三釐共一百零五

貧生計二十三名今每生二錢共四兩六錢

以上委駐鎮新添楊同知督同衛印官分賑

平越衛伍所并站舖軍一千七十一名每名一錢

三分共一百三十九兩二錢三分三釐共一百四十二

貧生三十五名每生二錢共七兩

平越軍民府新民孤老五百名每名一錢共五十兩

以上聽平越軍民府督同衛印官分賑

湄潭縣新民四百名每名一錢共四十兩

瓮安縣新民四百名每名一錢共四十兩

餘慶縣新民四百名每名一錢共四十兩

清平衛五所站舖軍八百三十三名每名一錢三

分共一百零八兩二錢九分

貧生三十五名每生二錢共七兩

清平縣貧民孤老四百名每名一錢共四十兩

興隆衛五所重安東坡等站舖軍八百五十八名
每名一錢三分共一百一十一兩五錢四分
貧生三十名母生二錢共六兩

以上清平興隆縣衛委清平縣劉知縣公同
衛印官分賑

黃平所舖軍三百五十名每名一錢三分共四十
五兩五錢

黃平州新民孤老三百五十名每名一錢共三十
五兩

以上委黃平州曹日知州分賑

都勻衛五所站舖軍五百八十六名每名一錢三
分共七十六兩一錢八分

都勻府貧生計三十名今每生二錢共六兩
貧民孤老五百名每名一錢共五十兩

以上委都勻府督同衛印官分賑

麻哈州貧民孤老三百名每名一錢共三十兩
鎮遠府貧民孤老一千四百名每名一錢共一百
四十兩

貧生五十名每生二錢共十兩

鎮遠縣貧民孤老四百名每名一錢共四十兩

施秉縣貧民孤老四百名每名一錢共四十兩
分守思仁撫夷道所轄衙門

石阡府貧民孤老一千名每名一錢共一百兩
貧生五十名每生二錢共十兩

龍泉縣新民四百名每名一錢共四十兩
思南府貧民孤老一千九百名每名一錢共一百

九十兩
貧生五十名每生二錢共十兩

印江縣貧民孤老四百名每名一錢共四十兩
婺川縣貧民孤老四百名每名一錢共四十兩

銅仁府縣近被水災貧民孤老二千九百名每名
一錢共二百九十兩

貧生五十名每生二錢共十兩
思州府貧民孤老八百名每名一錢共八十兩

貧生五十名每生二錢共十兩

學田撥

爲督撫地方事照得本院纂脩黔記閱得思州銅仁思南
石阡肆府學新添平溪偏橋岑衛學開載學田數少不足
贍貧生今當增置又黎平府學僻處一隅距省千里每遇
大比諸生裹糧遠涉備極艱苦亦應置田租以助盤費爲

此牌仰提學道卽轉行思南石阡思州銅仁黎平新添平溪偏橋等府衛遵照赴鎮遠府於本院收貯節縮公費銀內動支每處各伍拾兩領回增買學田收租存貯以資贍貧生黎平府學收租貯倉專備冬年大比支給科舉生員路費將買完田畝四至呈報施行

計開

思南府學伍拾兩

黎平府學伍拾兩

石阡府學伍拾兩

新添衛學伍拾兩

銅仁府學伍拾兩

平溪衛學伍拾兩

思州府學伍拾兩

偏橋衛學伍拾兩

稅務檄

爲稅務事據布政司造報交盤借支錢糧冊到院據此內開前後共借過庫銀計壹萬陸千餘金冊註強半該餘稅銀補還看得黔中賦稅有限以故支辦進表朝覲官吏盤纏兩院三司公費科場費用吏書口糧工食紙劄等項皆取給於餘稅始議必因餘稅盈餘方議及此何至近日皆稱稅額不敷槩行借支候扣補還愈借愈多愈稱無稅愈無抵補若此則已借者將何補數將來不足者又將何借總之管稅各官皆首領縣佐始不得管則百計鑽求旣得管稅盡克私橐假稱稅少將俸扣補如鎮遠稅先亦

稱之後委將知縣管收到今冬季便已踰額可槩見矣合
行議委正官管收爲此牌仰布政司即將通省各稅除見
管者姑留俟滿另議烏撒安籠貳稅所額不多准照舊議
委首領等官外其餘俱議府佐州縣正官管收如普安稅
即委普安州知州鎮寧稅委安順府推官貴州稅委新貴
縣知縣畢節稅委駐鎮畢節廳府官鎮遠稅委鎮遠縣知
縣思南府稅委該府佐官如府佐缺員即委府印官管收
水寧稅另議府佐壹員前去坐鎮卽令收稅不許仍前濫
委首領雜流等官致滋欺隱該司嚴諭各官潔已秉公收
湏足額毋貽若輩竊笑也先將定委職名詳報施行

屯政檄

爲督撫地方事照得各衛屯糧往規止管屯官催徵串同
屯頭任意延捱本院今春巡歷新添平越清查倉糧顆粒
皆無屯官倉官倉攢免扣乾沒種種弊竇深屬可恨今歲
當開徵合行立法委官催督爲此牌仰督糧道即便遵照
將各衛屯糧行委文官貳員督同掌印管屯指揮催徵如
新添清平興隆參衛卽委駐鎮推官同知其餘無駐鎮官
與府州同城者卽委府州佐壹員協同該衛經歷督同印
屯指揮催徵如無府州同城去處卽於隣近府州內擇委
前去監督上倉通限本年拾貳月以裏掣繳通關嚴禁各

官毋容延推免扣如各印也官有仍踵前弊者許監催官據實叅來重處本院即以完納之遲速定各監催官之殿最如能完納如期文官紀薦武官重獎如或完納後期一體叅治各官亦須潔已東吏不許容縱吏卑人等需索屯頭以服武弁之心如違官以不職論沾染常例者以貪論吏卑計贓究遣仍刊示給各官每倉前懸掛壹紙永爲遵守先將定委職名呈報施行

造盤江浮橋檄

爲督撫地方事照得盤江乃滇黔孔道中沸橫流當春夏之交嵐瘴侵人江水泛漲過者病涉本院業行布政司動

銀委官估建木橋以便往來據議難於採木且價踰貳千餘金止可支拾年本院行動銀貳百兩委經歷詹應試包一鳴建造浮橋已經搭架往來稱便未幾即被水漂蓋因繫船鐵索細小水勢湍急以故船隻漂流此委官督造不堅之過亦看守人役疎怠之罪也今據鎮寧州知州吳天佑議追看守員役賠還船價銀陸拾伍兩及動官銀湊買木植鐵斤復造但浮橋逐年攙脩參年大造應用錢糧與善後守橋事體未備必須會計停妥斯可垂之永利爲此牌仰布政司即行鎮寧永寧貳州知州將後開事件逐一會議停妥作速具報務悉心料理毋草率了事上緊議詳

以憑施行

計開

一浮橋一年一小脩應用銀若干三年一次脩應用銀若干會議妥確呈詳本院發銀買田收租過攙脩大造卽於租谷內動用須會計應買田若干畝用價若干兩黔中不患無田惟患不妥買田之弊如清平衛指揮石拯先奉前院發銀叁百兩令買賑田當時勘田俱係膏腴還租亦頗明白今本院行查田無一畝谷無一粒明係先日欺誑以致今日誤事卽此類推田之難買如此該司須令貳州

官悉心查議毋托武弁田要膏腴水旱不憂者方買買時先取古契查驗四至明白行拘田隣審問的確委無他弊取田隣甘結附卷務要停妥毋容草率

一查本渡原額渡夫若干名每年工食若干兩壹年總計若干編於何州出給卽將此夫改充守船之夫工食照原數查給嚴責各役常川在渡不許遠離如船有漂失卽令賠補每年自肆月至柒月終江水泛漲之時仍令在渡撐船迎送往來商旅不許需索渡錢刁難過客如違拿究查明立碑兩岸

永為尊守

一查盤江舊橋兩岸原日有無建立庵堂或見存或倒塌如存應否攪脩如已倒塌無存應否建立以備守船人役歇宿及收架船隻速議詳奪

一本渡見有船拾伍隻每年自捌月初搭架至次年叁月終止是一歲之中有捌箇月經行自肆月初起至柒月終止肆箇月撐渡即將前船整脩或伍柒隻或拾餘隻撐渡往來商旅渡夫即以厚夫克用其餘船隻用鐵索牢繫兩岸毋致漂流如違責令看守人役賠補

禁止招兵訛言示

為督撫地方事照得本院撫黔于茲六載矣始討逆龍繼剿皮林又次剿羅海又次斬吳洪本院何樂有此皆不得已而用兵也二年以來干戈甫戢瘡痍未起乃姦徒李正貴王鳳麟等無故倡言招兵詐騙宋君寵羅貴等千金據羅貴赴告本院當將王鳳麟等拏發按察司監候會問外查各犯造意起自遵義恐訛言未息合行曉諭為此示仰一應軍民人等知悉目今承平無事之時正尔民樂業安生之日鴻鴈攸歸牛羊在牧本院何嘗有招兵之令李正貴等假為騙局宋君寵等遂聽愚惑皆姦徒也今既擒獲

律當遠遣尔新舊民毋再聽流徒誑惑浪費財帛如再有人來倡言招兵者卽是李正貴王鳳麟等之流許卽綁解本院定行重賞如有仍前聽惑釀亂者本院訪拏一體以軍法重究決不姑息故示

催解逋欠木價檄

爲督撫地方事據布政司呈報各省直已未完木價銀兩緣由到院除批行外爲照播事初起之時本院入黔百無一備查布政司貯庫之金止陸千有奇 皇上百萬之餉分毫尚未有 旨本院計無所出萬不得已差官馬武卿等分投各省催原派木價銀協濟兵餉會 按院宋

有停大工之疏業已奉

旨續據福建解到叁萬叁千叁

百叁拾叁兩叁錢叁分零江西解到叁千叁百叁拾叁兩

南直隸解到壹千玖百伍拾貳兩叁錢陸分零共叁萬捌

千陸百壹拾捌兩零遂陸續支作兵餉已經三次 題明

作正開銷訖第恐 大工尚未報完日後又行運木無銀

支費查該司冊開江西河南南直隸尚欠叁萬玖千貳百

肆拾叁兩零又本省各商領過應追還官銀伍萬柒千壹

百伍拾玖兩零二項通共玖萬陸千肆百貳兩零合行催

追爲此除將本院三次銷算 奏疏印發該司存案外牌

仰布政司卽便移文江西河南南直隸嚴催拖欠木價銀

參萬玖千貳百肆拾叁兩作速差官起解前來其本省木
商拖欠伍萬柒千壹百伍拾玖兩零該司嚴行各衙門拘
提各商監比追解貯庫聽候運木支用該司收牌存卷備
照施行

發官銀龍泉縣貸息走馬檄

為督撫地方事照得龍泉縣地瘠賦重加以歲饑該縣雖
經請裁鞭銀然所裁無幾其關正額者又不可裁該本院
部看得貴陽府走馬例以官銀為母貸於貧軍取其子息
以供馬費龍泉褊小獨不可援例乎為此牌仰龍泉縣即
赴貴陽府領官銀貳百兩回縣借給貧民營生每兩每月

取利叁分計每年該利銀陸拾陸兩合於額賦內將該縣
馬價銀裁減陸拾陸兩即以利銀抵補每年解各驛走馬
該縣仍報布政司於編冊內如數減除此銀該縣印官親
管收放不許吏書沾染分毫如有赴借者必取里甲鄰佑
保結毋使棍徒混冒仍置循環簿二本申請本院部印發
按季填報該縣陞遷日將循環簿同印信一併交代施行

黔草卷又十目錄

公移

批發官銀貴陽府建便屯倉檄

批貴陽府欵銀以作馬本借軍以永馬利檄

龍泉減編檄

行布政司將龍泉司陣亡土官安民志子起送承襲檄

捐公費銀助龍里貸息走馬示

市買蜀楚魚鹽檄

行思仁道將本院部征播節縮剩餉給思石銅三府

借作馬銀檄

公移
 無草卷又十目錄
 盧陵彭應時化中甫校倉
 泰和郭子章相奎甫著
 公移
 盧陵彭應時化中甫校倉
 泰和郭子章相奎甫著
 公移
 盧陵彭應時化中甫校倉
 泰和郭子章相奎甫著

續表進黔草卷之又才具郊湖細
 之累已非一博官信又為籍身泰和郭子章相奎甫著
 泰和郭子章相奎甫著
 公移
 盧陵彭應時化中甫校倉

批發官銀貴陽府建便屯倉檄

為查議建置官倉以垂永久以甦軍困事據貴陽府申奉
 本院部批據鄉約汪汝松等連名呈稱貴前二衛一百屯
 田歲納秋糧運於豐濟倉門首賃店收頓每屯約該店租
 七斗酒食使費不計及至上糧之日零運倉前動經旬日
 風飄雨濕鼠竊狗偷十僅八九店戶充盈軍困極苦乞准

委官於倉內隙地估建小倉一百間內用木板礮地外用
磚石包砌以避風雨編立字號每屯認定一間收糧候納
每倉上租七斗共米七十石另厥收貯備賑荒歉遇有倒
塌動支官銀撓脩一勞永逸其雇脚租帳等費盡革屯糧
上畢倉空聽州司各自收納多寡收租責成斗級看守不
許閑人潛住侵損等情奉批仰貴陽府速查估報奉此遵
依行委吏目張尚禮估報脩砌小倉百間合用銀共三百
零九兩九錢五分五釐等因到府該本府看得屯軍租倉
之累已非一朝官司又欲蘇息未得其策今奉軍門洞燭
民艱俯准脩建官倉便其收貯深為未雨綢繆至計今估

脩倉百間該銀三百零九兩九錢五分五釐查本府庫貯
見有未置賑田銀三百零七兩四錢五分所少僅二兩五
錢零五釐相應於餘田遞馬米價銀內動支湊足前數候
詳允日動支給發委官經歷詹應試千戶鄒宗魯督同鄉
約汪汝松等如數脩建務使內外堅固經垂永久等因到
院據此除批此倉名便屯倉仰府動支本院征苗轉收銀
三百九兩九錢五分五釐委詹應試鄒宗魯督率各屯官
每屯止脩一間夫即用屯軍每年七十石之米免徵止令
每歲每屯各脩一間以為屯軍上糧水利其賑田銀三百
七兩四錢五分仍留該府買田備賑該府刻碑一通以垂

永父繳

批貴陽府欵銀以作馬本借軍以永馬利檄

為永傳德澤事據驛傳道呈行據貴陽軍民府呈蒙本道
牌奉院部批據貴州軍人王科等訴將前任吳知府議詳
收完闔省軍民義助買田銀六百三十兩憑二衛管操官
揭買軍糧取息走馬緣由奉批此議公私兩便永父可行
驛傳道再加覆議限三日內報奪備奉行府該本府遵依
移貴前二衛管操官拜行拘軍人王科等到官訴稱驛馬
苦極蒙允准委吏目林大鵬徵銀貯庫買田恐效賑田之
弊科等竊思貴州在城軍四千有餘內有婚喪空乏生理

缺本只得浼中將本身月糧典揭與富戶計一年止得銀
一兩七八錢今每名一年十二箇月銀米與伊紋銀二兩
一錢總用銀六百三十兩每衛給發管操官各領銀三百
一十五兩二衛總揭支七斗軍三百名每名獲春季米一
石四斗又得三季銀二兩三錢一分除將二兩一錢作原
本外又生出利二錢一分總共米四百二十石除三百石
給募戶走馬餘剩一百二十石扣貯豐濟倉發賣銀本六
百九十兩積聚庫內臨冬領出照前揭買庶軍得實惠驛
遞困蘇等情據訴到府據此卷查先奉院部批據本府申
詳貴州驛馬據闔省鄉約保長人戶願出銀米買田收租

募走以免告增告借永杜編僉緣由奉批驛馬苦久矣銀米之歛既係民心樂從又是垂利久遠此善政也歛米暫貯便屯倉總計若干分給各馬戶銀貯府庫買田第此中之田多係虛假三五年後便成烏有欲追田則無田欲追銀則已費此近日賑田之弊昭昭人耳目者該府慎之慎之母使他日復作賑田也銀米完日具數報繳奉此又蒙巡按金御史批同前事蒙批據議既出於衆心僉同直爲衆輕易舉一勞永逸之道也第事責慎始始能令終目今歛米開正歛銀但宜行府縣酌議選委公正官員總理其事經紀有成始爲永久無弊完日繳等因備案行府轉行

新貴縣酌議選公正官員收歛米銀買田收租募走緣由遵奉在卷續該本府議委吏目林大鵬查收銀米已據本官回稱闔省軍民義助馬戶料米二百六十石內除優免外實收過料米一百七十四石三斗三升五合報府本府具由呈詳驛傳道轉詳兩院批允放給貴州驛募戶唐以禮等五十名收領以作三十三年分馬料訖至本年十二月初二日據吏目林大鵬呈稱收過馬戶蕭時榮等鄉約街民周應壽等二項共銀六百三十七兩八錢九分寄庫外欲候徵齊恐候來年馬料應合預呈轉詳置田其未完銀姑候徵完另報到府本府將前銀呈報驛傳道轉報委

官買田間今據前因查得王科等所訴視買田百倍之便
第恐愚軍無知聽唆賣騙再擬置簿三扇一送驛傳道稽
覈一付府徵收一付衛印官扣解庶有所糾鈐而銀數清
楚支貯分明永永無弊矣目今三十四年走馬期迫貧軍
待哺正殷相應預請憲示俾各軍知所趨向試行一年果
有成效判定書冊積行漸久其利可勝量哉具由申詳去
後奉批前因又據二衛管操指揮梁之棟丁繼祖回稱所
揭難拘七斗之數若無妻五斗五升軍人但有願揭者取
具真實領狀方許借揭緣由回覆到府准此該本府覆議
看得揭買軍糧私情也崔募走馬公義也據各人戶既仗

義捐銀共成美事儻株守而無所營利與妄舉而中廢本
皆非策也今擬置田則荒歉無常隕本可懼擬揭糧則本
常流注且利息益滋是貧軍樂受實銀若募常需利養誠
策之得者試數揭糧之所以利益陳永行無弊之術為照
以月支七斗之軍計之每名春季支米倉斗二石一斗夏
秋二季每斗折銀四分冬季每斗折銀三分三季共折得
銀二兩三錢一分今以二兩一錢揭與本軍除本數外得
利銀二錢一分利米倉斗二石一斗於公有濟本軍在外
私揭止得八九成色銀一兩七八錢不等今得紋銀二兩
一錢又省謝中等費所饒不止三錢之數於軍稱便是公

私兩利之術也第真偽易淆擬令管操官覈送所伍官認承又虞枝節太繁恐滋多弊仍蹈私揭故轍各軍又何樂爲之無已直須管操官覈造名冊送府查揭可也竊揣糧在倉銀在庫彼不得爲政烏能混淆且糧各有票執其糧票取其認領不必本官覈認而可保其無弊且事變無常藉令有本官認覈仍令各軍人自爲揭儻於中事故則糧銀應扣還公此揭借之本可聽其沉溺而棄捐乎又必十名聯結共領銀二十一兩儻有一名事故坐九名朋償二名事故坐八名朋償至朋償則僅償其本免其利庶公扣有資私本不失皆與情所忻然樂從者也厝注旣妥稽覈

宜詳擬置循環簿二扇於旣揭借之日備造姓名糧銀數目一送布政司以便扣銀一送督糧道以便扣糧又置出納簿二扇出簿在府以註各軍之揭借納簿在倉以註馬戶之兌領則重冒無所庸其奸矣奸弊旣清支期宜定每年於十一月初五以前布政司即發原扣本利銀給府聽揭如協濟未到設處借給以慰仰望儻行之數年本息過當又廣置田以益之其利之普殆未易量也等因議詳到道據此該本道看得立法何常在順人情而已捐銀買田以脫重役是人之所欲也乃不以買田而以借軍夫豈拂其初情也哉蓋軍之賣餉也所得止於一兩七八錢大都

不過十分之六此所謂醫瘡剜肉非其願也而官借之數已加至三兩一錢則其勢必舍寡而就多馬役之求利於田也情偽難察完欠難期年復一年率多化爲烏有此所謂塵飯塗羹非其真也而軍米在倉皆係隨取隨足之物則其勢必舍虛而就實且有妻一軍之餉每年該本色市斗米一石四斗折色銀二兩三錢一分此定額也今議以母銀二兩一錢當其一年之餉是母銀六百三十可當有妻三百軍之餉內除原給母銀及分給馬戶米三百石外是官府所留每年常得子銀六十三兩米一百二十石也需以數年官且益裕其利豈獨在下哉又豈特貧軍苦役欣然樂從而已哉至於四簿稽查十人共結造冊責之標弁而需索必禁給發屬之府官而稽覈必親則該府之議已悉慎斯以往誠哉公私兩便之術也相應依允呈請合候詳示行令遵照施行等因到院部據此除批據議甚妥甚悉此公私兩利之術也第在該府嚴禁需索親覈收放則貴陽驛馬其永有賴乎而吳太守初議之功不泯也如議行繳

龍泉減編檄

爲督撫地方事據石阡府申奉本院部批據龍泉縣申稱該縣賦重民貧不能輸納請乞裁減冗費銀一百六十一

兩六錢以節民力奉批該縣初政而請減編此美意也第
法貴可乂事當慮始仰石阡府覆議詳奪奉此該本府查
得請裁前銀原係節縮冗費應該減除今該本府又行酌
減三十八兩四錢又奉院部給餉銀二百兩為母每年子
息得六十六兩共二百六十六兩合於該縣田糧內每糧
一升減編銀一分只徵七分每土里一兩只徵銀六錢一
分九釐請乞批示免徵永為遵守等因到院部據此除批
龍泉賦重輕一分民受一分賜此皆府縣仁政也仰布政
司照減編數入冊免徵永為遵守繳外合行遵照為此牌
仰石阡府即便備行龍泉縣將裁減銀二百六十六兩免

編入冊該府刊刻告示遍發曉諭仍於通衢勒碑永垂遵
守施行

行布政司將龍泉司陣亡土官安民志子起送承襲
檄

為優恤事照得龍泉司陣亡土官安民志當播賊領苗襲
司之日衝鋒奮敵血戰殞身先該本院部平播敘功疏開
安民志罵賊被害忠魂可愍當於祖職外另廕世職又該
本院部會題善後議將安民志之子世為土縣丞祖職
正長官世為土主簿以為死義者之勸績於萬曆二十九
年八月初四日准吏部咨為播地蕩平經制宜定敬陳善

後切要事宜伏乞 聖明采擇以永奠遐方事該本部題
覆善後各款內開安民志之子陞世爲龍泉縣土縣丞所
有土職長官世爲該縣土主簿以酬其忠等因題奉 聖
旨俱依擬府名與做遵義平越州名與做真安黃平縣名
與做遵義桐梓綏陽仁懷湄潭龍泉甕安餘慶欽此欽遵
備咨前來又於萬曆三十二年十二月十五日准兵部咨
爲 天威遠震途寇蕩平遵 旨覈敘八路從征文武官
員功罪以明賞罰以資安懷事該本部會題覆敘播功疏
內開安民志近奉 旨已廕其子爲土縣丞仍應與楊顯
等一體優卹又於疏末開載安民志贈正長官等因題奉

聖旨朕賴將士之力討平播逆以申靈誅開疆展土奇
勳懋績允宜敘賞內紀錄陞級陞俸及襲陞酌處起用優
卹獎賞開伍復職等項俱依擬欽此欽遵備咨到院部就
經備行布政司轉行遵照去後看得陣亡土官安民志勤
於王事効死疆場本官伊男原係題奉 明旨准襲龍泉
縣土縣丞世職合應給文起送承襲爲此牌仰布政司卽
將陣亡土官安民志伊男照依題奉 明旨事理查取結
狀給文起送承襲龍泉縣土縣丞世職以爲忠義之勸其
祖職長官安民心之子原改爲該縣土主簿另行查勘詳
襲施行

捐公費銀助龍里貸息走馬示

爲督撫地方事據駐鎮龍里楊推官申稱龍里驛馬凋疲日熾奉行做貴陽例措銀爲母借放生息以充馬價第每年須得息五百有奇而後可此五百之息必需一千五百之本而後可等因到院部據此除本院部捐助公費銀一千兩外看得本院部此舉專爲龍里軍民永除子孫後累至計本院部既捐銀一千兩則所少銀五百兩論法論理宜軍舍客民出辦一勞永逸原非強責合行曉諭爲此示仰龍里衛軍舍客民人等知悉即將尚少馬本銀五百兩聽駐鎮官拜衛印所官攤派欵收湊充馬本務要各發良

心上緊完納毋得吝嗇遲延自貽他日不了之患須示

市買蜀楚魚鹽檄

爲報 命屆期時艱可慮敬陳黔中急務懇乞 聖明亟

賜允行以冀窮遐事照得黔中賦少賦多軍餉告急該前按院畢 復 命題 請市鹽蜀楚運黔充餉已經部

議今兩省經過衙門應付船隻人夫不許抽稅等因移咨前來業該本院部備移蜀楚兩院及稅監衙門拜行經過道府免稅去後隨准回稱已經嚴禁各該委官不許徵稅等因回覆在卷該本院部看得部議令蜀楚應付官船官夫比照兩廣事例法也第取之於官每每稽遲相應行令

委官自雇船隻夫役爲此牌仰布政司即便動支餉銀九
百兩內將六百兩均給吏目王惟善李樹華文解前去四
川三百兩給指揮楊祖禹千戶傅良臣前去湖廣照彼中
時價收買魚鹽運黔變價充餉該司行令出產府縣務要
先儘委官買完方許賣與商人不許竈戶高糧時價嚴禁
鹽行經紀毋縱令商人暗行截買并爭雇船隻人夫敢有
違者令該管府縣就近拏究毋得姑息

行思仁道將本院部征播節縮剩餉給思石銅三府
借作馬銀撥

爲督撫地方事照得思石銅仁三府協濟平溪偏鎮驛馬

每歲終舊馬已完新馬未上馬戶急如星火驛丞申文告
急衛官申文告急三府貧若懸磬欲正支不可欲借支不
可府驛兩病過客交訾此亦黔中一大蠹政也查平播後
本院部節縮餉銀共二千五百七十五兩捌錢五分一釐
七毫八絲內銅仁府收貯二百四十二兩四錢六分二釐
一毫七絲石阡府收貯二千三百三十三兩三錢八分九
釐六毫一絲除該府借給馬價未完應於府屬各司追補
銀一千八百三十四兩四錢四分零見在石阡府庫四百
九十八兩九錢四分一釐二府通共實在庫銀七百四十
一兩四錢零三釐一毫一絲本院部目擊三府驛馬之累

深屬隱憂合將前銀每歲終借作馬銀事後仍追原額馬
價補還少濟一時之急永為百年之利為此牌仰分守思
仁道即將銅仁府收貯剩餉銀二百四十二兩四錢六分
二釐一毫七絲石阡府收貯剩餉四百九十八兩九錢四
分一釐內以二百兩借思南府餘二百九十八兩九錢四
分一釐留石阡府會稽三府俱有銀二百餘兩俱於每歲
終新舊驛馬不接之際具詳借作該府協濟馬銀事後隨
即各如數催追原額馬價補還此外不許擅動分釐違者
以侵欺邊餉論該道置立循環二簿并行三府各置三簿
將各府借銀明載於內該道仍勤勤查催務要一年補足

一年之數其石阡府屬各縣司拖欠銀一千八百三十四
兩四錢四分八釐六毫一絲除龍泉縣四百三十兩因龍
泉被播酋殘破近又饑饉姑准豁免外餘各司尚該銀一
千四百零四兩四錢四分八釐六毫一絲各司原未被兵
量免三分之一上緊催追貯庫償馬銀猶不敷用又如前
例具詳借給毋容各司遲緩

